

MELIHAT AMERIKA DARI JAUH

BERJALAN KE SELATAN

Dalam musim panas tahun sudah saya telah mengambil cuti selama sepuluh hari kerana hendak berjalan-jalan ke selatan Amerika Syarikat, saya bercadang hendak membuat perjalanan itu dengan bas supaya dapat saya melihat lebih banyak daerah-daerah dan pekan-pekan, serta bandar-bandar yang dilalui. Dengan demikian pada satu hari saya pun menanyakan sebuah bas syarikat “*Greyhound*” di bandar New York dalam perjalanan jauh saya yang pertama ke selatan Amerika Syarikat hingga ke bandar New Iceland di Teluk Mexico mengikut dalam perjalanan itu saya diteman oleh seorang sahabat saya bangsa Burma namanya Mong Mong Loin.

(Oleh Ahmad Husin)

Tempat pertama kami berhenti ialah Baltimore kerana disini sahabat saya itu ada seorang kenalan daripada orang Negro. Orang Negro ini ialah seorang ahli ilmu masyarakat yang telah menuntut di sebuah sekolah tinggi di Washington. Di rumah orang Negro itu kami telah diperkenalkan dengan seorang sahabatnya, iaitu seorang perempuan Negro yang umurnya sudah lebih daripada had pertengahan yang juga ialah seorang ahli masyarakat yang biasa diketahui dalam bahasa Inggeris sebagai *Sociologist*. Orang ini terlalu suka berjumpa dengan kami, dan ia ini sangat ramah orangnya. Saya telah hairan mendengar daripadanya bahawa ia telah pernah menziarahi negeri-negeri timur jauh dan timur dekat lebih kurang tiga puluh tahun dahulu manakala ia baharu lepas dari pengajiannya di sekolah tinggi dan telah telah mendapat *scholarship* bagi melawat negeri-negeri asing. Ia juga telah singgah di Singapura dan hatinya sangat tertarik melihat pakaian-pakaian yang berseri dan cantik yang dipakai oleh orang-orang perempuan dari berbagai-bagai bangsa di Singapura.

Baltimore ialah satu daripada pelabuhan-pelabuhan yang besar

di Amerika Syarikat dan mempunyai penduduk seramai lebih semilion orang. Bandar ini digelar “bandar patung-patung dan tanda-tanda peringatan kerananya itu penuh dengan patung-patung dan tanda-tanda peringatan.

Kami telah dibawa melihat bandar itu dan dalam perjalanan kami mengelilinginya kami telah melawat kawasan John Hopkins University, yang letaknya dalam tempat yang permai, kebun-kebun tempat berehat yang lapang, tempat perkuburan ahli syair Amerika yang terkenal Edgar Allan Poe dan kawasan pelabuhan.

Pada hari itu juga, iaitu waktu lepas tengahari, kami bertolak pula dari Baltimore pergi ke Washington. Di Washington sahabat saya orang Burma itu telah membawa saya ke jabatan menteri utusan Burma kerana ia ada beberapa orang rakannya di situ. Dan dapatlah saya berkenal dengan beberapa orang-orang muda Burma yang khidmat dengan jabatan itu.

Washington ialah pusat kerajaan Federal Amerika Syarikat dan perkara yang terutama yang menarik pandangan di sini ialah bandar ini lebih teratur dan tertib keadaannya daripada

New York dan tidak sebegitu sibuk dan bising seperti New York. Bangunan-bangunan di dalamnya ialah bangunan-bangunan bentuk cara lama. Dan sungguhpun ada beberapa banyak bangunan yang besar-besar tetapi kebanyakannya rendah-rendah belaka tidak seperti pencakar-pencakar langit di New York yang berpuluhan-puluhan tingkat tingginya. Di Washington adalah didapati tanda-tanda peringatan yang mempunyai makna yang khas lagi besar dalam sejarah Amerika Syarikat misalnya tanda-tanda peringatan Abraham Lincoln dan tanda tanda peringatan jujur Washington.

“Saya telah melawat Washington terdahulu daripada ini dalam musim bunga. Yang jatuhnya dari penghujung bulan Mac. Pada permulaan musim bunga itu banyak orang pergi ke Washington kerana hendak melihat bunga-bunga Cirri Jepun yang kembang dalam kawasan Jefferson Memorial di tepi teluk sungai Potomac yang bernama Tidal Basin sesungguhnya

pemandangan di sini terlalu indah. Sekalian kawasan tebing teluk sungai itu yang bernama dengan beberapa ratusan pohon Cirri sudah menjadi satu kawasan yang berseri kerana ia itu dipandang penuh diliputi oleh bunga-bunga Cirri seperti yang tak pernah dilihat ditempat-tempat lain kecuali di negeri Jepun.

Di tebing teluk yang bernama Tidal Basin itu terdiri tanda peringatan Tomas Jefferson Jefferson Memorial dan dari sini juga kita pandang arah timur laut maka nampaklah kita dihadapan tanda peringatan Abraham Lincoln (Lincoln Memorial) dan tiang peringatan George Washington (Washington Monument).

Lepas puas saya berjalan-jalan melihat bunga-bunga Cirri dalam kawasan Jefferson Memorial saya pergi pula melihat Lincoln Memorial yang terletaknya di atas tanah yang tinggi.



Jefferson Memorial, bangunan peranginan Jefferson, di tebing teluk sungai POTOMAC yang bernama TIDAL BASIN, bunga yang kelihatan ialah bunga Cirri Jepun yang menjadikan kawasan ini satu tempat yang indah dalam musim bunga.

Beberapa banyak orang sedang melawat tanda peringatan ini, dan melihat mereka itu sahaja mengambil gambar dan memerhati sekalian yang ada disitu sayu rasa banyak daripada mereka itu telah datang ke Washington dari daerah-daerah lain-lain Amerika Syarikat kerana hendak melawan kepala negeri mereka dan menziarahi tanda-tanda peringatan penjuru-penjuru. Mereka yang berjasa lagi masyhur dan yang sentiasa diingati oleh mereka dengan perasaan hormat dan takzim. Maka sesungguhnya kawasan di situ adalah diatur sebegitu cara sehingga seseorang yang masuk ke situ berasa di dalam hatinya bahawa kawasan itu mengandungi sejarah dan semangat sejarah itu resap ke dalam hati sekalian pelawat. Perkara-perkara yang besar yang telah terjadi dalam sejarah Amerika Syarikat misalnya pemasyhuran kemerdekaan. Dan fikiran-fikiran serta semangat yang telah membentukkan falsafah politiknya, nampaknya adalah mempengaruhi sejarah Amerika Syarikat pada masa ini.

Dari Lincoln Memorial ini kita boleh lihat jauh di hadapan bangunan Capitol, iaitu bangunan tempat persidangan Kongres Amerika Syarikat. Bangunan ini pun menjadi tempat orang menziarahi tak berapa jauh.

(Sambung daripada muka 28)

Tidak berbeza matinya dengan orang-orang penyembah api, penyembah berhala dan sebagainya. Na‘ūdhubillāh min dhalik.

Tanggungjawab Ulama

Oleh kerana hingga masa ini tidak kurang-kurang umat kita Islam di gugusan pulau-pulau Melayu yang masih percaya kepada tukang sihir. Tukang tenung, tukang tilik dan tukang tengok maka perlu dan wajib bagi sekalian ulama dan mualigh Islam memerhatikan benar-benar dan mengambil langkah yang tegas memberi peringatan kepada pengikut-pengikut masing-masing supaya tidaklah terus-menerus mempercayai kepercayaan yang sesat

dari sini ialah kutubkhanah yang bernama Library of Congress., iaitu kutubkhanah, yang besar sekali di Amerika Syarikat dan yang terkenal dalam dunia. Kutubkhanah yang telah binasa dalam perperangan pada permulaan kurun yang kesembilan ditubuhkan semula lepas itu dan kitab-kitab yang terkumpul di situ sebagai permulaan ialah buku-buku simpanan Thomas Jefferson. 6,500 buah banyaknya sekarang ini dalam bangunan yang hebat lagi besar yang menjadi Library Congress itu tersimpan sebanyak lebih daripada lapan setengah million buah buku dan risalah-risalah. Lain daripada itu ada juga tersimpan disini, dan yang boleh dilihat oleh sekalian orang yang melawat kutubkhanah ini surat-surat asal yang ditulis berkenaan dengan undang-undang tubuh Amerika Syarikat dan pemasyhuran kemerdekaan.

Beberapa ratusan helai di hadapan bangunan peringatan Lincoln Memorial ialah satu binaan yang tinggi seperti tiang rupanya yang dapat dilihat dari jauh lagi. Binaan ini ialah tanda peringatan Washington, Washington Monument patutlah disebut bahawa bangunan peringatan Lincoln, tanda peringatan Washington.

Itu. Kerana – tentang ini – bagaimanapun juga adalah menjadi tanggungjawab sekalian ulama dan mualigh-mualigh Islam.

Kalau ulama-ulama dan mualigh-mualigh Islam mendiamkan diri dan tidak mahu member ingatan-ingatan yang benar kepada pengikut-pengikutnya maka bermakna mereka itu membiarkan umat-umat dan pengikut-pengikutnya terjerumus ke dalam jurang kesesatan dan ke lembah-lembah syirik kepada Allah Subhānahu wa Ta‘ālā!

Sekianlah tentang soal “*kahin*” ini kami hidangkan kepada sekalian pembaca-pembaca kepada Ikhwān al-Muslimīn kami serukan lagi: janganlah percaya kepada *kahin* kerana percaya kepada *kahin* dan tukang tilik itu adalah dapat merosakkan tawhid dan iman kepada Allah subhānahu wa ta‘ālā.

dan bangunan Capitol itu letaknya seolah-olah menurut satu garis yang halus.


Kedudukan bangunan-bangunan ini yang seperti itu bukan sahaja menyediakan pandangan dan menyenangkan penglihatan, tetapi juga orang yang melihat adalah tertarik hati dengan kedudukan yang teratur seperti itu. Dan lagi kawasan yang besar yang mengandungi bangunan-bangunan peringatan itu ialah seperti sebuah taman yang luas kerana keadaanya yang teratur lagi indah dan menyegarkan perasaan.

Bangunan Capitol dan tanda-tanda peringatan kepada penjuru-penjuru Amerika yang masyhur itu adalah menyedarkan seseorang pelawat bahawa ia berada di pusat Demokrasi Amerika.

Tetapi pelawat itu lebih-lebih lagi sedar bahawa Washington itu ialah pusat kerajaan *Federal* manakala dalam perjalanananya disitu ia melihat beberapa buah bangunan yang hebat-hebat lagi besar yang menjadi jabatan-jabatan kerajaan. Serta juga bangunan-bangunan jabatan menteri utusan negeri-negeri asing, Lain daripada itu di Washington juga ialah rumah *president* yang dipanggil "White House". Tambahan pula di Washington itu ada ibu pejabat tentera Amerika yang memakai sebuah bangunan lima segi yang bernama The Pentagon. Bangunan ini sangatlah besar, dan terhitung sebagai satu daripada bangunan-bangunan yang habis besar sekali dalam dunia

Sekianlah Washington, dan dari sini penulis bertolak dengan bas pergi ke bandar Richmond dalam jajahan Virginia

(Bersambung)



Bangunan Capitol, di mana Kongres Amerika Syarikat bersidang, di Washington. Pelawat dari sekalian daerah melawatnya. Bas-bas yang dilihat dalam gambar ini membawa orang-orang yang hendak menziarahi ke situ.

Capitol mulai dunia lebih 150 tahun dahulu.

Janganlah tuan-tuan hilangkan
masa dengan begitu sahaja.
Hiburkanlah hati tuan-tuan dengan
membaca buku-buku cerita karangan
Ahmad Lutfi yang mengupas kejadian-kejadian
masyarakat seperti dibawah ini:-

Pelayan	\$1.20
Meja tiga belas (bergambar)	1.20
Bilik 69 (bergambar)	1.20
Kawan Syaitan	1.20
Tuan Qadi (bergambar)	1.20
Gua Musang (bergambar)	1.20
Subuh di tepi laut (bergambar)	1.00
Empat kali haram (bergambar)	1.00
Ustazah (bergambar)	1.00
1374 hari berjuang	1.00
Bangkai bernyawa	1.00

Harga-harga di atas tambah belanja pos

10 sen

QALAM PRESS LTD
P.O Box 3031
Singapore, 14.